

تاریخ عثمانی انجمنی

۱ اگستوس
۱۳۳۱

پنجمی سنه
نومرو ۳۳

مجموعہ سی

وفیات توفیق پاشا

توفیق پاشا ارتحال دار بقایندی : تاریخ عثمانی انجمنی اعضای
معاونه شدن مهم برعضوینی ، اردومنز امکدار ، فکر و ذکاسیله ،



علم و عرفانیله کنجلیکه و اردویه خدمت اینتش قیمتدار بر رکنی
غائب ایله دی .
توفیق پاشا اردومنزك دکرلی سپارندندی . حیاتی و آمالنی

ملکک فکرى ترقينه، علمى تعاليسه حصر ايتش، مسلك عسكرينده بيله الك زياده بوتقطه به عطف اهميت ايله مشدى. مکتب حربيه دن پارلاق وکنج برادران حرب اولارق چيقدینی زمان، فرانسیزجه به حقیله واقف، کمال بک مسلك ادبینه مفتون، دهسا طوغروسى او زمانک اداسی میاننده يتشمک لياقت واستعدادینی حائزدى. طرز تحریرینه، اسلوبه، صورت تفکرینه بودورک پک بویوک تأثیری اولمشدى. توفیق پاشا، زمانک اک پارلاق ارکان حربیه سی میاننده حرمله کوسترلیدیکی زمان عسکری بر اثر ترجمه ايله مشدى: بلومه نك (سوق الجیش) ی. اون اون بش سنه صوکر ا قیمتی تقدیر ایدیلهرک لسانمزه تام بر صورتده ترجمه ایدیلن بو اثر اوزمانلر توفیق پاشا طرفندن، کیم بیلر نه درلو بر مشغولیته مبنی، یارم بر اقلمشدى. فقط صوکر ترجمه ایدن ذات محترم توفیق پاشانک حسن انتخابه، نفوذ نظرینه عرض تقدیرات ایتمکدن کرى طور میور، بو تقدیراتی کتابک مقدمه سنده ده تکرار ایدیوردی.

فاتحلی توفیق پاشا فطرة عسکرلکه مجلوب، ظریف، وطنپرور، حساس ارکان عسکریه مزدنددی. مسلکاً عسکرلکه، حساً تاریخه بویوک وقلبی انجذابه مالکدی. همان اک کزیده، اک وطنپرورانه اثرلری تاریخه دأردی: (انیال) ايله (مختصر تاریخ عثمانی) توفیق پاشانک مطمئن، طمطراقلی براسلوبده یازدینی انافس آتاردندی. خصوصیه (تاریخ عثمانی) سی بوتون مکتبلرده تدریس اولونیور، عثمانلی پادشاهلری حقنده کی حرمتکارانه، قهرمانانه فکرلری کنج عسکرلرک حافظه سنه نقش ایدیلیوردی. اردو مزک امراسی صیراسه داخل اولان همان بر نسل، عسکرى اعدادیلرنده کاملاً توفیق پاشانک تاریخنهی اوقومشاردی. بناء علیه ضابطانک قسم اعظمی ایچنده توفیق پاشا نامنی طانییان یوق کیدر.

توفیق پاشا ۹۳ ده مکتب حربیه به داخل اولدی. ۹۷ ده ارکان

حرب یوزباشیغلیہ نشأت ایتدی . حیاتنک همان قسم اعظمی ممالک
 اجنیدہ اجرا اولونان مانورہ لردہ ، آتاشہ میلته رلکلردہ کچیردی . لسانہ
 وقوفی ، ظرافت افعالی ، وضع کبارانہ سی ، لوندانہ اطواری اونو پارسک
 اک کبار جمعیتلرنده حرمتلره و تقدیرلره مظهر ایدیوردی . خصوصیلہ
 ادبیانہ وقوفی ، حسنہ وصفہ مجلوبیتی توفیق پاشانک بو حرمتلره لیاقتی
 تأیید ایدہ جک اسبابندی . « کوزل توفیق پاشا » ہر جمعیتدہ مظهر
 توقیرات ادلیور ، فکری ، ذکاسی ، علمی ایلہ کندینی سودیریوردی .
 توفیق پاشا اوروبادہ کچیردیکی حیاتدن یک زیادہ استفادہ ایتدی .
 یکانہ دوشونجہ سی ، عثمانیلینی محافظہ ایتکلہ برابر اوروبالیلاشمقدی .
 تورکلک ایچون اک زیادہ لسانی نظر دقتہ آلیور ، سادہ برلسان ایلہ ،
 مرکک آکلایا بیلہ جکی براسلوبدہ کتابلر ، غزتلر نشر ایدہ رک عوامک
 فکری تربیہ سنہ چالیشیق ایستہ یوردی . آرتق کمال یک مکتبنک
 اک پرستشکار شا کردی بولسانی بر آریستوقرات لسانی عد ایدیوردی .
 واقعاً بو طرز دہ یازی یازمقدن بہہ تجرید نفس ایدہ میوردی ، فقط سادہ
 برلسان اونک فکر نچہ خلقک تحصیل و تربیہ سی ایچون اک امین برلساندی .
 ملتی یتشدیرمک ایچون خلقی فکر آ یوکسٹنک لازمدی . بونک ایچون
 مشروطیتی متعاقب اوروپادن استانبولہ کلدیکی زمان دوحال اسکی (تاریخ
 عثمانی) سنی اُیلنہ آلدی . بو اوافق ، فقط کزیدہ اثری آچیق برلسان
 ایلہ تفصیلاً یازمایہ قویولدی . اوصرہ لردہ تربیہ و تدریسات عسکریہ
 مفتشلکنندہ بولونیوردی . وظیفہ سندن بوش وقت بولدقہ بو کتابلہ مشغول
 اولیوردی . نہایت آمانلہ موفق اولدی ؛ فقط اسکی اسلوبدہ اثرلر
 یازمقدن دہ خالی قالمادی . بربروسہ سیاحتی اوکا بدبخت جک عاشقانہ مناقبی
 الہام ایتدی . (شہزادہ جم) حقندہ اوافق برسالہ یازدی . دہا صوکر
 یازدینی کتاب ، توفیق پاشانک صولک و معظم بر اثری ایدی : (اساطیر یونانیان) .
 توفیق پاشای بو اثری یازمایہ تشویق ایدن حس ، خلقمزمہ ازمنہ قدیمہ دہ

یونان مدینتک اوینادینی رولی ، دور انتباه اوزرنده یونان تأثیراتی ، صنعتده و ادبیاتده یونان خسیاتی کوسترمکدی . بویوک شاعریمز عبدالحق حامد بك اقدینك كزیده تقریضاریله انتشار ایدن بو ائردن کندی بك ممنودی . آلهنك كلكون و مائی سماسی التنده ، چاملك و لیلقلرك ، صاریشین غازییه لك ، آتشین كللك كوكل آچیجی رایجه لری آره سنده ، طبیعتك كوزللكلرینه ، سمانك متبدل و جاذب رنگلرینه معكس اولان صاف و آسوده بر دكرك رنگین موجه لری قارشینده توفیق پاشا آفرودیتك كوپوكلرایچنده ظریف و عریان تصویر ی ، یوزیدونك افمالی ، كوپیدونك كوكلره الهام ایلدیكى عشقلره مشغول اولمشدی .

توفیق پاشا ایکنجی و یانه محاصره سنه دأرده بر اثر حاضر لاملق اوزره ایدی ؛ كذا (بیلم) ده انتشار ایدن فتح قسطنطینیة نك ده باش قسبلرینی ترجمه ایتمشدی ؛ فقط حیاته یكانه امل عوامه مخصوص بر غزته چیقارمق ، عوامه مخصوص علوم و فنونه دأثر بر كتبخانه تأسیس ایله مك ایدی . بو املنی صلحدن صوكرایه ساقلا یور ، بو پارلاق امید قلبنده انشراح حاصل ایدیوردی .

توفیق پاشا فكر آهپ بومشغولیتارله اصرار اوقات ایدردی . اخلاقاً صاحب كمال ایدی . لطیف اندامی ، جدی طور لر یله حقیقی بر عسكری اولدیفنی كوسترن توفیق پاشا قلباً ضعیف و حساسدی . مرحمت و شفقت حسلری بوتون موجودیتنی تشكيل ایدر ، اوافق بر سفالت منظره سنه قارشى كوزلری پاشا یردی . توفیق پاشا اوصاف و مزایای ایله هان هر كسی كندیسنه مجلوب ایتمشدی .



توفیق پاشایی صوك دفعه كوردیكم زمان ، مدھش بر منظره قارشینده بوتون وجودیمك تزه ديكنی حس ایتدم . قارشیمده باشقه بر وجود ، باشقه برسیا ، باشقه بر شكل كوردیوردم . پارلاق و جوال كوزلرك

نوری سونمش ، دائماً پرطراوت طوران سپا قورقونچ بر صورتده سازارمشدی .

بی کورر کورمز متأثر اولدی ، قوللرینی بیتابانه طایپا یارق طوغرولدی ، کوز یاشلریمی کوچ ضبط ایده یلیوردیم . سختلرینی سؤال ایتیم : براز ایلشیدیکنی ، آیاغه قالقار قالمناز چالیشایه باشلایه جفنی سوبیلور ، حیاتک صوک کونلرنده بیله اک معرز املندن بحث ایدیوردی ؛ توفیق پاشا بومدهش خسته لکدن قورتولاجفنه قانمندی . حتی آطه‌نک طراوتدار چاملری آلتنده مسمودانه بر حیات تصور ایدیوردی . فقط بو املی بویوک والیم بر فلاکت تعقیب ایله‌مشدی . زواللی توفیق پاشا، برایکی کون صوگرا، ارتحال داربقا ایتیش ، بشیل چاملرک بر سکون سایه‌لرینه بدل قاره طوپراقلرک مظلم آغوشه کومولشدی

احمد رفیق

مرحوم مشارالیهک ترجمه‌ حالی بوجه آتیدر :

تموز سنه ۱۲۹۳ تاریخنده مکتب فنون حربیه داخل اوله‌رق ۱۴ تموز سنه ۱۲۹۷ تاریخنده ارکان حربیه یوزباشی‌لیقه نشئت و آناتولی است حکاماتی کشفیاتنه و ۱۰ مایس سنه ۱۲۹۸ تاریخنده قطور حدودینه مأمور ایدلدی .
۳۲ تصرین ثانی سنه ۱۲۹۸ تاریخنده ارکان حربیه عمومه دائره‌سی ایکنجی شمه‌سنه تعیین و ۱ تموز سنه ۱۲۹۹ تاریخنده قول آغاسی نصب اولندی .

۸ تموز سنه ۱۳۰۱ تاریخنده فرانسه جمهوریتی برنجی وایکنجی اردولری بویوک عسکری مانورالرینه ومؤخرأ معیت سنیه ملوکانه ارکان حربیه‌سنه مأمور ایدلدی . ۱۹ تموز سنه ۱۳۰۱ ده دردنجی رتبه‌دن مجیدی نشانیه تظلیف و ۱۹ آغستوس سنه ۱۳۰۲ تاریخنده بیکباشی نصب اولندی .
۲۵ ایلول سنه ۱۳۰۴ ده حدود یونانیه استکشافنه مأمور اوله‌رق عزیمت و عودت ایدلدی ، ۲۷ مارت سنه ۱۳۰۴ ده اوچنجی رتبه‌دن مجیدی نشانیه تظلیف و ۱۳ کانون ثانی سنه ۱۳۰۵ ده قائمقام نصب اولندی . ۲۹

تموز سنه ۱۳۰۶ ده پارس سفارت سنیه سی آتسه میلیرلکنه تعیین اولنه رقی ۲۶
آغستوس ۱۳۰۶ ده پارسه موصلت ایندی . و ۲۱ مارت سنه ۱۳۰۸ ده
لوندرد آتسه نوالیه برلکده فرانسه ده اجرا اولنه جق سریع آتشل نوایجاد
طوب تجربه سنه مأمور ایدلدی .

۲۹ آغستوس سنه ۱۳۰۷ ده ایکنجی رتبه دن عثمانی نشانیله تلطف و ۲۴
آغستوس سنه ۱۳۱۰ تاریخنده میرآلای نصب اولندی .

ممالك محروسه شاهانه نك تقسیم اراضی فننه تطبیقاً خریطه سنك اخذ و ترسیمنده
قوللانلیق اوزره پارسه اعمال ایندی برلکده اولان آلات و ادواتك اعمالاته
نظارت ایتمی خصوصه بالاستیذان ۴ ایلول سنه ۱۲۱۱ تاریخنده اراده
سنیه ملوكانه شرفصادر اولدی و ۲۹ تشرین ثانی سنه ۱۳۱۱ ده میروالفه
ترفیماً مکتب حربیه درس نظارنه تعیین بیورلسی اوزرینه پارسدن درسماده
عودت ایلدی .

۲۷ کانون ثانی سنه ۱۳۱۲ ده بروکل سفارت سنیه سی آتسه میلیرلکنه
تعیین بیورلدی و ۱ مارت سنه ۱۳۱۳ ده بروکله موصلت ایندی .

ایران حکومتی طرفندن اعطا اولنان ایکنجی رتبه دن شیرخورشید نشانك
قبول ولدی الایجاب تعلیق خصوصه بالاستیذان ۲۶ تموز سنه ۱۳۱۹ ده
اراده سنیه ملوكانه شرفصادر اولدی و ۲۶ کانون ثانی سنه ۱۳۲۱ ده برنجی
رتبه دن مجیدی نشانیله تلطف و ۱۳ آغستوس سنه ۱۳۲۴ ده ارکان حربیه
عمومیه دائره سنه نقل و تعیین اولندی .

۲۹ ایلول سنه ۱۳۲۴ ده فریقله ترفیماً عتیق ایکنجی اردویه منسوب
نظامیه یکریمی برنجی فرقه قوماندانلغه و ۱۰ تشرین ثانی سنه ۱۳۲۴ تاریخنده
اردوی مذکور نظامیه اوچنجی فرقه قوماندانلغه و ۱۳ مارت سنه ۱۳۲۵
تاریخنده مکتب حربیه نظارنه و ۶ کانون ثانی سنه ۱۳۲۵ ده تربیه و تدریسات
عسکریه مفتشکنه تعیین و ۸ تموز سنه ۱۳۲۶ ده آلتون و کوش امتیاز
مدالیسه تلطف بیورلدی و ۲۴ کانون اول سنه ۱۳۲۹ ده اجرای تفاعدی
خصوصه اراده سنیه ملوكانه شرفصادر اولدی .

توفیق پاشا حیانتك صوك زمانلرنده سپاسنه بر حزن طاری اولشدی .
نهایت صابلق علتنه مبتلا اولدی ، اجرا ایدیلن برعلیه جراحیه دن صوگرا
۴ کانون اول سنه ۱۳۳۱ تاریخنده ، آنجیق الیسنی متجاوز اولدینی حالده ،
ارنجال داربقا ایلدی . وفاتی ضایعاندنذر . رحمة الله علیه رحمه واسمه